

靈感通福祥臻集登齋之士勉而戒之

如不宣禁則云登齋衆官久請壇律盡  
遵天職各整朝章所有罰簡三十六條  
更不宣示

九五

十六

靈寶領教濟度金書卷之十六

靈寶領教濟度金書卷之十七十八 伐六

洞微高士開光教苦真人審金真授

靈寶通玄弘教水南先生林靈真編

科儀立成品新法開度通用

開啓祝幕儀

法師上香

臣聞一元肇運範圍經緯以生成三洞開圖  
索蒼陰陽而化育故凡麗於名數孰有外於  
陶鎔仰惟大造之涵容俯鑒小心之激切以  
今恭焚道香德香無為香無為清淨香清淨  
自然香妙洞真香靈寶慧香超三界香三景  
真香滿瓊樓玉京遍周天法界無量寶香逆  
瞻供養

太上元極大道虛无自然元始天尊妙无上  
帝虛皇玉晨大道君靈寶天尊妙有上帝萬  
變混沌玄元老君道德天尊至真大帝玉皇  
大天尊玄穹高上帝紫微中天社極大帝紫  
微上官天皇大帝高上帝霄玉清真王長生  
大帝東極青玄上帝后土皇地祇十方靈寶  
天尊九天生神上帝三十二天上帝五方五

老上帝東華上相木公道君西靈太真金母  
元君日宮太陽營儀帝君月宮太陰結璘皇  
君南辰六闕上真道君北極九府上真道君  
五方五德上真道君周天二十八宿真君天  
地水三官帝君泰玄樞機三省上相天君九  
天諸司真君天曹諸司真君三天化主玄中  
大法師真君三天大聖都天大法天師真君  
靈寶經籍度師真君靈寶監齋大法師真君  
北極四聖真君三天門下三元真君三天門  
下上章詞表靈官十方元極飛天神王五天  
三界大魔王三洞四輔經錄法科上聖高真  
神仙將兵本靖諸省府院司將吏兵馬五嶽  
五帝真君五天聖帝洞天福地靖虛治化名  
山洞府得道真仙祖玄真師列位真人經籍  
度師列位真人北陰玄天鄭都大帝東霞丹  
林扶桑大帝地水職司城隍社令里域土地  
監察神祇侍衛宣通无鞅聖衆三界官屬一  
切真靈仗此靈香普同供養香乃玉華散景  
九炁凝烟香雲霞羅徑衛九天宮願侍香金  
童傳言玉女與臣通達上聞

帝前所啓所願咸賜如言以今奉為某人其事崇建其齋仰荷玄恩圓成齋福尅卜今宵恭陳三界清醮一座端仰延奉真旂庸酬宸既屬茲瓊筵肆啓瑤範將宣宜昭格於虛无庸恢張於妙有欲望慈光密映真澤潛孚翠葆珠幢縹緲雲飛於輦路丹旌清蹕翩翾霞映於霄衢三界齊臨萬仙拱衛共鑿葵傾之切庸歆斤采之供班序齊周壇場告備靈鑪逸響月籟流明恭對道前關行法事

十方靈寶天尊 洒淨

宣檢攝妖氛符

十方靈寶天尊

請掌醮司兼 上香

恭謹上啓

三天門下掌醮司真君天曹門下掌醮司真君醮筵翊衛一切咸靈仰冀高明俯垂采覽以今齋主某人披心大梵稽首上玄盡齋戒沐浴之誠深願繫縲縶之薦尚祈聖造曲賜靈通且仰惟六甲行廚三華妙席雲霞錯落金玉駢羅慮人間烟火之供非天上希微之

饌難延騰馭徒冒憲章欲望聖慈特施妙化神奇靈變等龍鳳之珍羞整辦鋪陳象瓊瑤之宴集伶華明徹符寶拱嚴容某會道運元招真攝景庶萬真而周遍俾三界以惟怡某不勝懇祈之至

焚六十四卦真文

丹霞耀靈 黃華素精 元皇鬱勃

三景交并 非烟羅絡 流金火鈴

驅除萬穢 整部天兵 化工神運

玄景開明 碧落空歌 山川耀平

九天翊衛 遏絕邪精 靈場清淨

寶芝自生 奇葩散彩 種來闌城

靈菓流芳 根產玉京 瓊厄玉宇

羅列層層 霞漿雲饌 香馥芳馨

光騰鳳炬 座列龍屏 紫雲異香

入戶穿櫺 俯歆凡庶 恭薦虔誠

遶瞻闔闔 隊仗紛迎 天人稱大慶

靈祉自來并 和與道合真

十方靈寶天尊

詣降聖司上香

恭謹上啓

三天門下降聖司真君天曹門下降聖司真君三界符使四直功曹仰冀真慈俯垂采覽以今齋主某人披心大梵稽首上玄盡齋戒沐浴之誠致願繫縲縶之薦尚祈聖造曲賜感通某仰惟縹緲雲羅龍慈劫刃紫雲荷祭碧霧四旋慮紛葩五濁之庭非由密九清之境難延騰馭徒冒憲章欲望聖慈特為奏請三清上聖七御至尊三界諸司十華聖眾各嚴函薄俯降道場答且降真召靈合神攝景普集玄虛之衆均臨廣大之筵某不勝懇祈之至

焚三皇內文

天衢漢漢 靈雲颺懸 星河耿耿

神風飛烟 玉殿瑤光 洞徹三元

蒼澤鬱鬱 丹耀懸懸 三天風華

九帝龍耕 寶福珍蓋 碧輿朱軒

金雲翻翻 瓊鳳翩翩 玉童玉女

霞衣雲肩 五帝大魔 九真飛天

龍矯虎袂 雲冠颺烟 悉臨黃道

瑞氣環旋 清都列聖 紫府群仙  
森羅萬象 俯降芳蓮 步虛玉韻  
空音瓊篇 九霄蕩蕩 八景乾乾  
證明壇界 降福除愆 洪恩施品類  
惠澤遍山川 和與道合真

十方靈寶天尊

捲簾儀

上香 啓白

臣聞金闕玉房紫烟鬱鬱羅之妙瓊林琪樹  
碧霞旋劫刃之玄凝三素以我我混九靈而  
眇眇雲階七仞升龍朗耀於青琅月陞九成  
翔鳳盤旋於玄璐雉扇擁流瓊之辰鸞旂飄  
曳玉之庭梵炁回旋御太虛而散耀神光洞  
朗煥无色以通明上聖攸宗下仙莫邇以今  
伏為某人崇建某齋恭遵丹笈爾建玄壇象  
玄都寶界之崇衍玉京神山之邃變凡作聖  
寬旌光列於螭坳化幻成真霄蓋回旋於獅  
座降翠華之寶御鳴清蹕之琅音珠箔玲瓏  
中拱虛无之聖綉幃絢爛內迎妙有之尊仰  
芝陛以崇嚴企竊墀而峻極巨等簪紳効職  
劬履趨朝願潔已以階升鸞行肆覲庶傾心

而凡奏龍御揚休願惟堂陛之截然沉復屏  
帷之肅若敢干風憲自速天章具有表文謹  
當宣奏

宣表

表文敷露聖鑒昭彰願洪造之權讓副丹誠  
之懇德天威咫尺曲垂與進之恩民欲鋪張  
庶滿對揚之願珠簾高捲翠箔齊張再拜皈  
依玉音稽首

法事

玉鈞寒碧翠之簾光依日月金陸御後視之  
所班會風雲靈光奕奕以回旋神景輝輝而  
嘯朗班班聯玉筍聿禪事帝之恭座列金芝庸  
罄承天之敬敢遵丹笈式暢玄科法衆運誠  
恭趨玉陛  
靈寶領教濟度金書卷之十七

靈寶領教濟度金書卷之十八

洞微高士開光救苦真人竊金真授  
靈寶通玄秘教水南先生林靈真編

科儀立成品

祈禱用

立六幕儀

上香

啓白

具位奉行某齋法事嗣法弟子某某香上啓  
三洞四輔經錄法科祖玄真師列位真人經  
籍度師列位真人仰望師慈俯垂省錄伏以  
齋法精嚴校錄列臨軒之聖玄功妙密糾彈  
尊御慕之真修奉云初級做敢後以今奉為  
某人崇建某齋玄壇聲建丹笈將宣先立幕  
以告齋靈風退扇期臨壇而證度聖力宏宣  
欲望申錫慈觀曲矜愚悃特為開奏五靈尊  
聖三元帝君靈寶玄師正一教主監齋列幕  
主宰高真揖三炁之靈芒承流中陸擁九華  
之寶御駐景前惟提獎宗乘圓成齋福某不  
勝虔祝之至

道經師寶天尊

上香